

## Kalaallit Nunaanni sulisilluni ajoqusernermut sillimmasiisarnermik inatsimmi pissutsinik ilanngunneqartunik Arbejdsskadestyrelsip Ankestyrelsillu allaffissorneranut akit pillugit peqqussut

Kalaallit Nunaanni sulisilluni ajoqusernermut sillimmasiisarnermi inatsit nr. 1528, 21. december 2010-meersumi § 64, imm. 1 tunngavigalugu aalajangersarneqarpoq:

### Kapitali 1

#### *Arbejdsskadestyrelsip allaffissorneranut akiliut Suliat peqqussummi ilanngunneqartut*

§ 1. Peqqussummi matumani malittarisassat malillugit suliat Kalaallit Nunaanni sulisilluni ajoqusernermut sillimmasiisarnermi inatsit malillugu nalunaarutigineqartut pillugit Arbejdsskadestyrelsip suliarinninneranut akiliisoqartassaaq.

#### *Akiliisussat*

§ 2. Taarsiissuteqarnermi aningaasartuutit akilernissaannut inatsimmi § 53, imm. 1-4 malillugit periaatsit atuuttut malillugit inatsimmi § 2-mi inuit ilanngunneqartut pillugit suliarinerannut sillimmasiisarnermik ingerlatseqatigiiffit aamma Arbejdsmarkedets Erhvervssygdomsforsikringi akiliuteqartassapput.

§ 3. Aalajangersakkat taaneqartut malillugit taarsiissutinut Arbejdsskadestyrelsip akiliussigallarnerisa agguarnissaannut malittarisassat atuuttut assigalugit suliat inatsisini § 52, imm. 6, § 56 aamma § 62-imi ilanngunneqartut suliarinerisa akilernissaat sullimmasiisarfinnut tamanut Kalaallit Nunaanni sulisilluni ajoqusernerit isumannaarnerannut sillimmasiisartunut aamma Arbejdsmarkedets Erhvervssygdomsforsikringimut agguarneqassapput. Ajunaarnerit imaluunniit inuussutissarsiummit nappaataalersartut inunnut arlalinnut sillimmasikkanut ilaanngitsunut aamma inunnut sulisitsisuminnit isumannaarneqanngitsunut ingerlaqqittut nalunaarutigineqartut pillugit suliat suliarinerannut akiliut aammattaaq malittarisassat taakku malillugit agguarneqassapput.

§ 4. Inuussutissarsiummit nappaataalersartut innuttaasunik sullissinnermit pilersut pillugit suliat allaffissuutiginerannut Arbejdsmarkedets Erhvervssygdomsforsikringi akiliuteqassaaq, tak. inatsimmi § 4, imm. 2, nr. 1 aamma inuup inuuneranik annaasiniarnermit pisut, tak. inatsimmi § 4, imm. 2, nr. 3 aamma 4.

#### *Akiliutip annertussusilenera*

§ 5. Suliap nalunaarutigineqartup ataatsip akia tunngavigalugu allaffissornermut akiliutissaq naatsorsorneqassaaq. Aamma nalunaarutigeqqaakkat taamatullu suliareqqilikkat kiisalu suliat aalajangiiffigierikkat Arbejdsskadestyrelsip iluarsisassatut aalajangigai akilerneqassapput.

*Imm. 2.* Ukiumut aningaasaliissutinut inatsisit tunngavigalugit akit annertussusilerneqartassapput.

*Imm. 3.* Akit annertussusiat Arbejdsskadestyrelsip pisortaata ukiumut ataasiarluni nalunaarutigisassavai.

*Imm. 4.* Septembarip qaammataa naatinnagu ukiumut akiliutaagallartoq akileqquneqassaaq. Aningaasat oktobarip qaammataa naatinnagu akilerneqassapput.

*Imm. 5.* Ukiumi tulluuttumi inaarutaasumik akiliutissaq septembari naatinnagu naatsorsorneqassaaq ukiumilu tassani oktobari naatinnagu akilerneqassalluni. Suliati inaarutaasumik akiliummut tunngaviusut allattorsimaffii maajip qaammataa naatinnagu ingerlatseqatigiiffinnut ataasiakkaanut aamma Arbejdsmarkedets Erhvervssygdomssikringimut Arbejdsskadestyrelsen nassitissavai. Naatsorsukkat pillugit akertiussutit 15. august tikitsinnagu Arbejdsskadestyrelsen tigreersimassavai.

## Kapitali 2

### *Ankestyrelsen allaffisorneranut akiliut*

**§ 6.** Sulisilluni ajoqusernerit pillugit suliati Ankestyrelsen allaffissuutiginerannut §§ 1-5-imi malittarisassat assinganik malinneqassapput.

### *Akiliutip annertussusilerneru*

**§ 7.** Suliamut pilersinneqartumut aki tunngavigalugu allaffissornermut akiliut naatsorsorneqassaaq.

*Imm. 2.* Ukiumut aningaasaliissutinut inatsisit tunngavigalugit aki annertussusilerneqartassaaq.

*Imm. 3.* Akit annertussusiat Arbejdsskadestyrelsen pisortaata ukiumut ataasiarluni nalunaarutigisassavai.

*Imm. 4.* Akiliut Ankestyrelsen qaammatikkaartumik akileqqusassavaa. Kingusinnerpaamik qaammatip tullinnguutup 15-iani qaammammut akiliutissat akileqquneqartassapput. Kingusinnerpaamik qaammatip kinguliata 15-iani akileqqusissut akilerneqassaaq. Akileqqusinerit tamaasa suliati inaarutaasumik akiliummut tunngaviusut allattorsimaffii ilanngullugit ingerlatseqatigiiffinnut ataasiakkaanut aamma Arbejdsmarkedets Erhvervssygdomssikringimut nassinneqartassapput.

## Kapitali 3

### *Atuutilerfia*

**§ 8.** Peqqussut manna atuutilersinneqarpoq 1. januar 2011.

*Beskæftigelsesministeriet, ulloq 21. december 2010*

INGER STØJBERG

/ Tor Even Münter